



Broj/Број: 01/6-50-1-8-9/07
Sarajevo/Сарајево, 18.3.2008.

Z A P I S N I K
9. sjednice Komisije za ostvarivanje ravnopravnosti spolova,
održane 18.3. 2008. godine

Devetoj sjednici Komisije za ostvarivanje ravnopravnosti spolova (u daljnjem tekstu: Komisija), održanoj 18.3.2008., s početkom u 13 sati, prisustvovali su članovi Komisije: Vinko Zorić, Jovan Todorović, Rifat Dolić, Mirjana Malić, Sead Jamakosmanović, Remzija Kadrić i Savo Erić. Odsutni su bili Halid Genjac i Jozo Križanović.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

DNEVNI RED

1. Usvajanje Zapisnika 7. sjednice Komisije;
2. Izvještaj o realiziranju 8. svečane sjednice Komisije povodom Međunarodnog dana žena;
3. Izvještaj o pripremama za Završnu konferenciju parlamentarne dimenzije Kampanje Vijeća Evrope o borbi protiv nasilja nad ženama, uključujući nasilje u porodici, Beč, 29. i 30. aprila 2008.;
4. Ostala pitanja.

Ad. 1. Usvajanje Zapisnika 7. sjednice Komisije

Zapisnik 7. sjednice Komisije usvojen je jednoglasno, bez primjedbi.

**Ad. 2. Izvještaj o realiziranju 8. svečane sjednice Komisije povodom
Međunarodnog dana žena**

Predsjedavajući je ukratko upoznao prisutne o toku Svečane sjednice, a što je sadržano u Izvještaju koji je izradio i dostavio sekretar Komisije, uključujući govor predsjedavajućeg. Izvještaj je potom usvojen, kao i zaključak da član Komisije Mirjana Malić, na početku sjednice Predstavničkog doma 19.3. 2008., pozove poslanike da daju doprinos donatorskoj akciji ove komisije za rad Sigurne kuće u Bihaću.

Ad. 3. Izvještaj o pripremama za Završnu konferenciju parlamentarne dimenzije Kampanje Vijeća Evrope o borbi protiv nasilja nad ženama, uključujući nasilje u porodici, Beč, 29. i 30. aprila 2008.

Usmeni izvještaj o pripremama za Završnu konferenciju parlamentarne dimenzije Kampanje Vijeća Evrope o borbi protiv nasilja nad ženama, uključujući nasilje u porodici, koja će biti održana u Beču, 29. i 30. aprila 2008., podnijeli su Vinko Zorić i Mirjana Malić, podsjećajući na aktivnosti koje je inicirala i realizirala ova Komisija, kao i na to da je u pripremi i tematska sjednica Komisije o nasilju u porodici, koja je također dio kampanje Vijeća Evrope. Pripremljen je i Sekretarijatu Vijeća Evrope dostavljen Upitnik o aktivnostima Bosne i Hercegovine u vezi s Kampanjom, a obavljaju se i pripreme za istup Mirjane Malić, kao parlamentarke za kontakt u ovoj kampanji na Završnoj konferenciji u Beču.

Komisija je jednoglasno prihvatila Izvještaj.

Ad. 4. Ostala pitanja

Sekretar Komisije upoznao je prisutne o aktivnostima na pripremi tematske sjednice o nasilju o porodici i posjeti Komisije državnom i entitetskim gender institucionalnim mehanizmima.

Nakon što je realiziran dnevni red, sjednica je završena u 13,30 sati.

SEKRETAR KOMISIJE

Davorin Semenik

PREDSJEDAVALAČI KOMISIJE

Vinko Zorić